

حقوقى بىلىپلىر مجموعهسى

هر آيك اون بشنده نشر اولور

SELECTIVE
MEMBERS

قانون جزا

باهر

صريحك اسناد قابليتہ ہائے تأثير ارسلی اعتبارہ:

عدم وقوف و خطا

حقوق جزا نقطۂ نظرندن عدم وقوف، یعنی بيلمامك، بر فعله عائد هر درلو ملاحظه نك عدميدر. خطا ايسه او فعله عائد الده ايديلن معلوماتك يا كلش اولسيدر. عقل اوزرنده حائز تأثير اولان معنوی سييلردن اولديغنده شبهه بولونميان بو عدم علم و خطا ايكي درلودر. بری احكام قانونيهي بيلمامك و يا بو احكامده يا كلمقدركه بوكا اصطلاحده (حقوق عدم وقوف و خطا) دهئيلير. بو صورته واقع اولان عدم علم و خطا نظر قانونده هيچ بر قيمتي حائز دكلدر. چونكه جزا قانونك ۴۴ نجی مادهسي «قانونی بيلمامك معذرت صاييلماز» ديمكدهدر. بوندن آكلاشيله جق كيفيت شودر: «بن بوايشي ياپاركن بر فعل ممنوع ايشلديكمي بيلمورد» ديمكه مسؤليتي اوزرندن آتاماز. بو مادهده كي «قانون» كلمسندن مقصد او دعواده تطبيقي لازم كلن «قانون» اولوب يوقسه او قانوندن غيری قانونلر دكلدر. ايشته بوندن دولايدركه ايتاليان محكمه لری قصد اضرار بر طرف ايدلك شرطيله جزا قانونه متفرع خصوصانده مثلا قانون مدني و بورجلر قانونی بيلمامك كيفيتك يوقاریده يازيلي اولان ۴۴ نجی ماده قانونه خارجنده قاله جغني قبول ايتشاردر. ۱۱ حزيران ۱۸۷۴ نارنخنده برلين محكمه مسنجه ويريلن بر قرارده اويني صاتان و فراغي متعاقب ديواره بيتيشيك دولابلری کوتوردهن بر كيمسه خيرسزلق جرمندن تبرئه ايدلش و بو قرارك اسباب موجبسي اولق اوزره او كيمسه نك قانون مدني به كوره دولابلك جهت تخصیصاری اعتباريله او غير منقولدن عد ايدلديكني و بناء عليه او ايله برلكده صاتلش اولديغني بيلمديكي سرد اولمشدر.

ايكنجي نوع عدم علم و خطايه كلنجه؛ بوده (فعلي عدم وقوف و خطا) در: غلپنده بر فعل ممنوع ايشلنيلن كيمسه نك شخصنده يا گلمق بو قبيلدندر.

حقوق عدم وقوف و خطا، يوقاریده يازيلي اولان ۴۴ نجی مادهده تثبيت ايدلش

اولدینی حالده فعلی عدم وقوف وخطا، صورت مخصوصه ده عمومی بر قاعده شکلنده قانونده درپیش ایدلماش اولوب آنجق بوکا لزوم دخی بولونمیدنی و فعلک شروط مرکبه ویا مشدده سنه متعلق مادی یا کلیشلق دها عمومی بر طرزده جزا قانوننک ۵۴ نجی ماده سنده ذکر ایدیلن قصد ایله امتزاج ایتمکده اولدینی شبهه سزدر. بناء علیه فعلی عدم وقوف وخطا، جرمک عناصر مرکبه ویا مشدده سنه تعلق ایتدیکی زمان، قصدی قسماً ویا تماماً اورتهدن قالدیرر واخلال حقوقده کی جرمیتی ازاله ایدر. نظریاتده اساسلی خطا *erreur essentielle*، عارضی خطادن *erreur accidentelle* دن تماماً آیریلور. [۱]

برنجیمی، بیلنامسی فاعلده جرم ایشله مک فکرینی امکانسز قیلان بر فعل ویا رابطه یه تعلق ایتک شرطیله جرمی بر طرف ایدر. مثلاً کندیسنک ظنیه باشقه سنه عائد بر شیئه تملک ایدن کیمسه خیرسزلقدن مسئول اوله ماز. کذلک وضعیتیه واقف اولقسزین اولی بر قادین ایله مناسبت جنسیه ده بولونان کیمسه یه زنا اسناد ایدیه مز. (جزا قانوننک ۴۴ نجی ماده سی ایله مواد متعاقبه سنه باقیکنز). عارضی خطا ایسه؛ بر کیمسنک یرینه دیکرینک تولدیرلش اولسی کی حالرده اولایلیر. چونکه ایسته نیلمیره رک ایشله نن بر قتل فعلنده کی مجرمیت، متجاوز علیک تصادفاً ده کیمسه سی ایله تبدل ایتمز. بالعکس بو حال، بعضاً صوچک کیتی اوزرینه تأثیر اجرا ایدر؛ جزا قانوننک ۵۱۲ نجی ماده سنک برنجی فقره سنده مصرح قاعده یه توفیقاً حیللی یا ناقلق فعلنک جزاسنی تزید ایدن اسباب مشدده یی بیلیمکسزین بر جرمدن متحصل پاره ویا اشیایی قبول ایدن، صاتون آلان ویا صاقلایان کیمسنک حالی بوکا مثالدر. فقط شمیددن شونی بیلیملیدرکه فعلی خطا، اساسلی اولسه کندیسندن توقی ممکن بولونمیدنی تقدیرده قصد اضراره مستقد جرم اسنادینی بر طرف ایتمکله برابر غیر قصدی ویا تقصیره مقرون جرم شکلنه میدان بر اقبیلیر. بر آوجی، یاره له جق بر کیمسه یی کورمکسزین سلاحی معین بر استقامته توجیه ایدره رک آتش ایدره سه قصداً قتل جرمندن مسئول اولماقله برابر اطرافنه ایو باقامقدن متولد احتیاطسزلقدن دولایی غیر قصدی بر قتل ویا فعل مؤثردن مسئول طوتیله بیلیر. [۲]

[۱] بورجلر قانوننک «خطا» حقنده کی ماده لرینه باقیکنز.

[۲] «ماینو» نک اثرندن.

الحاصل بو (فعلى عدم وقوف وخطا) نك اهميت فوق العاده يى حائز اولديغنده شبهه يوقدر. چونكه شخص اوزرنده بايلان خطا نتايح آتيني توليد ايده بيلير. مثلا: زيدى قتل ايدييورم ديه عمروى قتل ايتك و ثانياً تحريكه هيچ علاقه سى اولمايان بر باشقه سنى تولديرمك، ثالثاً زيده قارشو مدافعه مشروعه حالده بولونان بر كيمسه نك زيدى براقه رق و بو زيده قارشو قانونك بايه بيله جكنى سرد ايتديكى مدافعاتى بر طرف ايده رك ونظر اعتباره آلمه رق مدافعه نفس ايدر كن قورشونى ايله عمروى تولديرمك. ايشته بو حادثات جزائيه موضوعات قانونيه نك هيچ برنده نظر دفته آلتديني حالده ايتاليان قانون جزاسى بو يك مهم اولان خصوصاتى درپيش وحل وفصل ايتمش و جزا قانونمز بوصورت حلى عيناً ۵۲ نجى ماده سنده اخذ وقبول ايلشدر.

۵۲ نجى ماده قانونيه به نظر آ بر كيمسه خطا يا خود سائر عارضه يوزندن [۳] جرمى، قصد ايتديكى شخصدن باشقه بر كيمسه نك ضررينه ايشلمش اولور ايسه او جرم، قصد اولونان شخصه قارشو ايشلمش كى تلقى اولونارق مغدور جرمك شخصه تائد اولان اسباب مشدده قانونيه دن متأثر اولماز. بناءً عليه فاعل جرم مثلاً مدافعه مشروعه حالده بولونور ايكن متجاوزه قارشو حركت ايده جكى برده آتديني قورشون ايله باباسنى تولديرسه حقنده جزا قانونك ۴۵۰ نجى ماده سى تطبيق ايدلمز. اشبو ۴۵۰ نجى ماده ده قتل فعلك آنا و بابا علمنده ايشلمسى تقديرنده فاعلك اعدام جزاسى ايله جزالانديريله جنى نيت ايدلمش اولسه رغماً فاعلك مغدور جرم اوزرنده كى خطاسى يوزندن حاصل اولان اسباب مشدده قانونيه كنديسى حقنده تطبيق ايدليوب بلكه ۵۲ نجى ماده نك صوك جمله سنده ذكر ايدلديكى وجهله جرم، قصد اولونان شخصه قارشو ايشلمش يعنى مثالزده اولدينى وجه اوزره بابايه قارشو دكل بلكه متجاوزه قارشو ايقاع ايدلمش كى تلقى اولونور و فاعل حادثيه كوره، يا ۴۹ نجى ماده قانونيه دن [۴] يا خود مدافعه مشروعه نك شروطى بولمازسه ۵۹ نجى ماده قانونيه نك موضوع بحث ايلديكى اسباب مخففه تقدير به دن باحث اولان

[۳] بناءً عليه ۵۲ نجى ماده ده بحث ايديلن حال، جرمى دائماً موجود قيلان عارضى خطادر

يوقه جرمك ارتكاجنى غير ممكن قيلان اساسلى خطادر.

[۴] بو ماده اسباب راشدن باحتدر.

۵۲ نجی ماده ده مندرج عبارتهك صوك جمله سندن مستفید اولور. الحاصل عدم وقوف و خطا آنجی بو صوك حالده صوچك اسناد قابلیتك تخفیفه بادی اولور.

استانبول عدلیه مسلك مكشي مستنطق شعبه سی

حقوق جزا معلمی آدوات

باهر

خطای عدلی

بو مسئله ملت مجلسنده مناقشه یه محل ویرمش ایدی. مسلکداشلمزدن ازمیر مبعوثی آنور بك برادریمزك بو بابده قلمه آلوب ازمیرده منتشر اناطولی غزته بنده نشرایتدیکی مقالیه بورایه درج ایدیوروز:

مطلق عدالت حالا بشریته نصیب اولمادیقندن بالعموم مقررات محاکمه اصابت مطلقه آرامق؛ حاکمیری نوادر خلقت و خوارق فطرت اولمق اوزره یتیشدیرمکی ایسته مکه مساوی بر مالیخولیادن باشقه برشی اولاماز.

او حالده نه یامعیدر، خطیئات ماده قانونیه نتیجه سنده محکوم اولمش بروطنداش ناصل قورتلرملی، اونك رنجیده ایدیلن عزت نفسی وموقع اجتماعیهسی ناصل تطمین ایدملیدر؟ تصحیح قرار یولی دار؛ اعاده محاکمه بلکه وضعیت قانونیه مساعد دکلدر.

دها تشریح ایدلم: محمد اوغلی احمد اُسمنده بری وار، بو آدم قتل ایله متهمدر. وفاعل حقیقی بودر. عینی مملکتده، عینی اسمده دیگر بر معصوم انسان دها موجوددر. [استطراد: بزده عالمه اسملرینك هنوز اولما مسلك تولید ایده بیله چکی محذور لردن بریده بودر]. فاعل یرینه معصوم محکوم اولیبور؛ جلیخانه یه کیدیور. محکمه تمیز، حکمی تصدیق ایتمش بولونیور. امر تحریری ایله حکمك نقض وابطالی موضوعات قانونیه ایجابخده ممکن دكل، بو وطنداش هانکی طریق ایله قورتوله جقدرد.

وهله اولاده خاطره كلن عفو خصوصی در. فقط عفو خصوصی ده جائز اولماق لازم کلیور. چونكه خصوصی عفو؛ ماهیه شایسته رأفت وعاطفت محکوملر ایچوندر.